山庫全幸

史部

欽定四庫全書

史部

詳校官國子監司禁 納蘇實

編修臣表議覆勘 校對官主事臣陳文極總被官檢討臣何思釣

滕 録監生 王

宫

欽定四庫全書 譚襄敏奏議 提要 官疏单分為三集四関稿嘉靖四十二年再 起為右愈都御史巡撫福建時所上也曰蜀 裹敏其益也事迹具明史本傳此編乃其思 臣等謹案譚襄威奏議十卷明譚編撰編字 子理宜黄人嘉靖甲辰進士官至兵部尚書 史部六 記令奏議類二**屬**議之

戚繼光立束伍法練兵破倭惡擒斬殆盡官 作亂陷七城調任四川以後所上也曰薊遼 **泰政時破饒平賊林朝曦調福建泰政時** 浙江海道副使時又連破之再起為浙江右 上也史稱倫沈毅知兵為台州知府時即 即兼右愈都御史總督前遼保定軍務時所 稿隆慶元年至四年由兵部右侍郎進左侍 稿嘉靖四十四年起為陝西巡撫會大足民

金少四人生了

提表

守仁聚徒講學羽翼者衆也今特録是集以 事垂三十年積首功二萬一千五百計其功 光協力追辦三衛諸部迄不敢南牧終始兵 名不在王守仁下而儒者顧艷稱守仁則以 辨賊遇警報調居官無淹歲在創途與我繼 廣時本岡賊江月照等望風而降朝廷侍以 巡撫時滅雲南叛首鳳繼祖于會理總督兩 縣多為倭所陷力戰恢復圍地以平官四川

欽定匹庫全書 六年十二月恭校上 見其謀畫之大畧無不沒其實馬乾隆四十 官臣陸

制四十 正月間関倭 政無按察司副使奉初必 憂離任本年九月間 明 復臣原職事寧伏 撰

臣 割 臣 兵 四月十一 思陞臣 方至易 領洛望闕 時事 奉欽依復臣原職時臣讀 就道催 破除常格凡事 孔 日入看准前任巡 將臨敵誠恐交代之間人心弛懈 都察院右無都御史提督軍務無巡撫福 辣臣子之私其何敢邱臣隨於三月初 叩頭 取制兵至本月二十八 謝恩訖臣念閱海之思盤據已久徵 鯏 戰守太代之先一面施行尋 撫游震得將風防符驗 禮甫及大祥伏惟大君制 日進至建陽縣紫 因致誤事 IJ

欽定匹庫全書─

尚 軍 撫 2 尸素忽胃知兵之譽祗緣仕事之愚两被命而墨練 乃今之重臣必遴選之極精始付托之有效竊念臣 非 旅 **弁文卷與臣交代領事外臣惟兵戎為國之大事巡** 無救地方之患如臣菲 一介微賤濫厠班行才本不逮於中人學實未通乎 載而易巡撫者四姓自未有終彼皆抱奇傑之才 所據為承思而秉鈍孰謂其宜且八関之受倭今 始由郎署而出守徒負恩私繼東憲節以臨戎深 劣 抑又何勝聞命自天措躬

欽定四庫全書! 無地欲感恩而圖奮實有志而未能惟無改其實心或 淛 為江西地方流賊已晴仰遵成命懸乞天思放回 臣下情無任感激屏管之至 開八閱之太平舒九重之南顧臣之顧也亦臣之分 得予勝等更假之以時日誓竭愚忠不與賊共戴于 以廣理孝事竊念臣以一介草茅切逢盛世仕幾廿 江等處承宣布政使司右祭政無按察司副使譚 乞恩終制疏 終

海の言

無 亟 两 年官階三品楊分弗堪圖報靡及不幸丧父苦居甫及 廟美萬全渠冠授首三省底寧老終少長成無失所 月即遭流冠之來毀形扶觀竄伏林莽艱難備歷有 疆 無生伏蒙皇上憫念元元横被鋒鏑屢下哀痛之記 興問罪之師江西臣庶皆焚香額天祝願皇上萬壽 上請而大馬奔走之力因效前驅令幸皇上玄威廣 顧臣不自意為下得以墨線備數金革聞命兢惕 無所會時事戒嚴天威霆震臣為爲蹢躅之私未

罪 既 情 欽 皆是效忠之日臣下情無任殞越懇切之至 回 籍 **嗟孝子慈孫盡遂人倫之願獨臣三年有其懷之愛** 定四庫全書 雖 依 人為 與人同而一 恤 臣無所解於其心之私動下該部 守制待制終之日遵例聽用則臣自此有生之年 許臣以事寧守制天語 粉骨碎射無以為報伏望皇上念臣哀苦惻怛 聖明朝之棄物恭蒙明百准臣以暫起復及奉 日愈於已之心未獲自盡誠宇宙內 基 招 如 日星君恩侔於天地 仰遵成命放臣 ž

大三四年八二寸二 |奔福清縣岱后地方總兵官劉顯俞大歌各發官兵分 長樂縣地方登岸劄營小址窺同省城本道先發前部 道昆呈稱奉文會同副總兵官戚繼光選募制兵於本 監察御史李邦珍趣臣督戰臣啟行間處兵備副使汪 嘉靖四十二年三月十八日倭賊進至建陽巡按福建 六營把總胡守仁褚應宿率兵無程赴省賊聞兵至隨 年三月十七日入境行至浦城據報新倭四百餘徒旬 水陸官兵勒殺新舊倭冠捷音疏三月十 谭襄敏奏議 九日 題

回 齊 會同俞大猷各發把總 仁 兵壓境夤夜潜由江口逃逐本月十五日總兵官劉 顉 親督胡守仁等三營勁兵徑趨福清縣追勤賊聞 出奮擊俘斬首級一百四十五颗生擒一十六名奪 擄 兵名色把總包堂 相 指 男婦數百又准總兵官俞大猷報稱本鎮 揮 魏宗瀚等率兵分伏要路本日卯時官兵 郭文劉添慶劉添榮劉招桂 郭成與領江西援兵把總樂員 面 襲 顋

得

伏要路截擊四月初十

日提督軍門右愈都御史游震

アンノン

7.17

×

令各兵埋伏俟賊渡水邀擊至日卯時前賊果实大营 攻賊衆大敗我兵乘勝衝殺追至開溝處所朱相伏兵 我兵全勝各收回營本鎮部下名色把總俞義重愈 安等官兵共斬獲首級四十 起賊無去路擒斬過半餘黨勢窮奔投入海不能 兵放銃為號伏兵四起劉兵從左衝擊我兵從右夾 發中軍指揮魏宗瀚統兵合動一面督今名色把總 相帶兵前往可通平海要路開溝斷橋以截去路仍 類四月十九日准 取

隻 摘 至十六日夜颶風大作光將哨船駕至南向避風大船 兵 新賊殺盡即驚慌下船欲走因光防範嚴謹不敢開行 器銃沉二隻焚燒三隻賊見勢蹙將財帛婦女拋棄 留平海繁泊賊欺船少乗風摇駕大小船共三十 劉顧開稱本月十八日把總許朝光稱平海倭賊知 颗奪回被攜男女一百三十名口兵夫陣亡五人 齊開洋光即葉般急追連雄賊船四隻亂放發順 投奔老岸比因昏夜不能盡殺止斬獲真倭四十

金定四庫全書

甚 傷 延 解 夢日深湯平無計兹蒙皇上憫念元元俯從諸臣所 遣將徴兵荐出內部濟給粮鉤用是軍聲稍振賊 沮 致 年民既凋殘兵粮俱困每週賊至無所措手以 擒是皆仰仗皇上玄威遠鎮廟箕萬全将士用 在 t 發紀驗外具報到臣為照福建地方被倭茶毒年 陸則新來之冠悉已授首在水則舟逐之賊尋 餘 倭復回舊巢見在督兵圍勒除首級 勢 致

舉 海 營內據整飭福州兵備按察司副使汪道昆報稱四月 嘉靖四十二年四月二十 欽定四庫全書-兵戚繼光三大營官兵尅期進剿原襲破興化府城大 祁刀 倭兔本月十九日兵至與化地方探得前賊移據 衛總兵官劉顯俞大猷分屯渚林養威蓄鋭以圓 今義士許朝光劉文敬各督舟師邀諸海上賊坐是 等日督募制兵入省監督總兵劉顯俞大猷副 飛 報異常捷音疏四月 日臣督兵駐總兵俞大猷 題 總

哨 至 政 困 道與興泉兵備祭議萬民英布政司戴罪殺賊左祭 窮 中哨 樂塌與前福建 道以副總兵戚繼光統 筣 酒 為左哨而以江西巡撫 時 林迤南據除結巢特角迎敵二十日蒙本院督同 探知戚副總兵同本道統督大兵入境遂拔營前 衝 器 鋒以總兵都督劉顯統督 親至渚林會集三大管官兵面議機宜分定 全甲門都 督把總胡守仁等部下官兵 御史游震得所發標兵把總 都御史胡松所遣領援兵把 ζ 把總郭成等部

為 御 其 陳倉等兵佐之以總兵都督俞大猷統督南贑軍 進 萬 總 攻軍 右哨 魚貫而進直薄賊巢賊 史 楊 两以鼓作士氣定以二十一日各照分定哨道 可 陸 將 文與本院發與恭政翁時器監 而以制 稳 門各道隨軍監督本日五時中哨官兵仍分三 伯清傅應嘉部下等兵佐之仍懸賞衝鋒銀 調發指 江巡撫 揮魏宗瀚 都 御史趙炳然所遣領接兵把 亦分道摊出 名色 把總朱相等 **替領標兵把總陳** 拒敵賊首躍 部 刻 菛 都 期

欽定四庫全書

ť

くとりにないよう 我兵隨處奮擊墮崖蹈海死者數亦難計止據在陣 遼 戟 四 當 面 生 男婦三千餘人衛所印信一十五颗 縣並無一 刃 先我兵勇氣益倍三哨官兵一時並進賊勢不支奔 回集各兵乗勝攻打益急賊復併入大巢死守各兵 擒真倭首功二千二百餘名顆器械稱是奪回 傷 圍合因風縱火血戰破巢賊衆敗匿房中或焚死 自相枕籍積尸充雷難以數計間以通避山海 賊臣惟蠢爾倭奴突如內犯襲我郡衛辱 谭襄 改奏 議 即今福州以南 敵

布 聖 功 被 奚啻一方今乃仰仗皇上玄威廣運廟謨審固文武问 皆稽首額天祝願皇上萬壽無疆臣待罪督無仰念 将士用命遂使莫敢 冠裳度劉我人民占據我城池流毒已經數月被 **劝勞人員另行查叙外恭先馳報上慰聖懷** 明萬里南顧臣寢食靡寧今幸有此非常之捷除 振之城以 飛 報捷音疏 鼓而克複全関按堵萬姓散騰捷書露 五. 月 誰 題初 何之冠不崇朝而授首既 有 陷 害

金げんんん

益 領回二十七日又報倭賊五百餘徒突至北嶺逼近省 由 副 顉 嘉靖四十二年四月二十四日臣在平海渚林班師據 在 福清縣報二十三日清晨有賊船三隻約賊二百餘徒 彼 使汪道昆戴罪殺賊然政翁時器監督次日前賊 所 神前澳登岸臣即遣標下名色把總將伯清楊文統 力斬獲真級七十八顆被 路而來伏兵四起前後夾擊賊衆奪氣我兵鏖戰 部制兵自平海進至蒜嶺驛地方伏截仍委兵備 掠男婦當從寬貸令地方 果

海 舒定匹库全書 火為號二枝齊起四更時分追至東湧外洋捕盗黄怡 地 IJ 百 倭賊 左布政使曾于拱按察使萬衣督遣測兵胡世等 獲首級二十颗奪獲被掠人口一十名遇夜昏黑浪 據 方去記未敢近薄省城皆胡世一 名前去截殺斬獲首級二十颗餘賊星夜退逐連 四船首挫賊鋒衝沈倭船四隻生擒真倭二十七名 福 剿滅不候風潮潜自開逐水寒官兵船瞭見奉 州兵備道副使汪道昆呈稱二十六夜賊聞平 戰之功五月初 五

くこつを 洋 及萬安所千戶夏傷等船於四月二十六日前去草 湧 擒真倭一 名部兵張漢等生擒真倭三名斬獲首級 中奮勇夾攻衝沈倭船四隻賊各潰敗趙國柱捕 類家丁許四等生擒真倭二名千户張淮親擒生 溺死不計難盡取級又據鎮東衛指揮同知趙國柱 稱本與探有倭船九隻抛泊外 真倭五名斬獲首級二颗千户許數親 7.1.5 十五名斬獲倭首一十二颗千户夏雋兵 埤 曳攻奏说 洋國柱率捕盗兵 斬倭首 **颗**其 餘 倭 船

截本道會同戚繼光於初三日先發名色把總王如龍 至湯 復蒙本院委督副總兵戚繼光部兵進剿連江等處倭 等因五月五日又據該道呈稱本道自平海大捷班 應 力斬之又採得倭賊四百餘徒屯住馬鼻地方把總傅 冠五月二日 到連江先差哨官王寧帶兵潘大德等哨 嘉帶藤牌手及戚副總兵鳥銃手從五虎門先出 船五隻蓬舵櫓擬俱已衝壞雖脱逐送洋勢必沈 **顧遇有倭賊二名在彼窥探大兵消息王寧等併** 師

きってた

移 由 三營為奇兵由左路緣山而進以陳禄等三營為正兵 等兵三營直機羅源防遏北遯仍親督把總胡守仁等 方已平 被為平退回馬鼻今蒙本院方畧一鼓剿滅該縣 名巢穴船隻俱各焚煅餘賊計壓邁入海塗溺死無 時擒斬真倭一百五十七名類奪回被掠幻男二十 右路衝鋒而進賊出奮力死戰我兵左右夾擊血戰 訪得前賊原係攻破壽寧政和一 初七日據興化府申報莆田縣海邊有殺散 起欲往平海合夥

脱走外洋生擒真倭二名從賊一名斬獲首級三颗奪 賊該生員鄭瑄倡集鄉衆鄭國實等敵斬真倭首級 新塘地方擒獲散通零倭一人斬取首級二顆各呈報 船四隻即乗順風敵衝賊船三隻沈没百有餘倭一隻 回被擴男子二名本縣又差民兵紀憲林文昌等在於 稱指揮趙國柱督率捕盜兵船前至後營海洋遇有賊 鄉夫李思敬等斬獲首級二顆仙遊縣鄉兵程奇烈 斬獲倭首一 類擒獲從賊一名本日又據福清縣申 五

留定四庫全書

氣百倍至於舟師最為廢弛亦各感奮共興敵愾之心 之日 另行具題外為照各該官兵自平海大捷以來勇 赴軍門泉示被擄人口放回訖其有功有勞人員查明 湧 IJ 臣除解到首功俱發委官運同劉汝順紀驗生倭取 間次第報平水陸擒斬通共三百七十餘級遠近歡 草嶼後營等洋莆田靈川里等處各新舊倭賊不旬 是而福清之神前澳懷安之北嶺連江之馬鼻與東 地方寧證是皆仰仗皇上玄威震疊廟堂勝算所致

欽定匹庫全書 白 間矣 臣會同總督廣関都御史張泉巡按福建監察御史李 赫然一怒次第為平八閩之間遂獲寧字十年之內僅 邦珍議照修政貴於及時有備所以無患福建地方涵 其福寧沙埕等處小聰見係閩淛夾攻成功計在呼吸 然則至與化之事而顛危極矣兹者仰仗聖皇神武 乙卯以來倭冠紛紅廣賊並出因之民窮盜起內外 倭冠暫寧條陳善後事宜以圖治安疏 五月二 H 題

寧處謹稽諸舊典酌之時宜質諸輿論之公祭以一 速賜允行則地方幸甚臣愚幸甚 人安長治之至計伏乞勃下該部再加查議請自宸斷 猶今之視苦掣肘多 艱嗌臍無及臣等用是大懼莫敢 之見係列十有二事上塵 聖覽 異思患預防之愚忠為 巨測事變靡常必待患至而始為之備則後之視今亦 見一時若不乗此戰勝之服亟為善後之圖誠恐冤情 日議復寨以扼外洋 得

欽定匹库全書 無供億之費外威內固有自來矣法久人玩武備 則 有 達漳泉置衛凡十一置所凡十四置巡司凡四 然盖自洪武迄今皆當受其患查自福寧南下以 火門南日山活 嶼三寨 耳景泰年間增而為五時 日本最為狡獪籍我姦民乗間內侵不但此時為 照得八関之地西北 戰 五以控之於陸又置水寨以防之於海初惟 艦如雲旌旗相望且哨守皆衛所之軍有司 阻山東南濱海海中諸國 獨

合力併攻以扼外洋擊來賊為功第一擊去賊次 分信地明斥堠嚴會哨賊寡則各自為戰賊衆則 棕為正兵增設銅山小埕二棕為遊兵而又為之 之定為五大般內以舊設烽火門南日山浯嶼三 通 水寨之舊每寨設兵船四十隻兵萬三千名五寨 失贼 計用船二百隻用兵六萬五十名以五把總 弛倭患突登舊制盡失為今之計亟宜查復五 弗擊與致賊登岸者查照信地論罪五寨 绚

欽定匹庫全書 ■ 查得見奉欽依陞二級泉州納級副千戸傅應嘉 甚艱見今各寨把總僅惟原任守備秦經國尚堪 實効可臻但立法雖詳振舉在將閱中武弁得 鞭策外他皆用之倉卒之餘率之勇敢之氣臣等 以備來汛如此則總聚有經聲勢亦重虚偽盡革 畢 會南臺聽統督整搠訓練汛期將及分發哨守汛 兵船俱屬總兵官統督監軍道監督未汛之先總 復總會南臺殿最功罪而賞罰之仍整搠訓練

九優一 責 羅 泉 為省會門戶宜用傳應嘉盖本官奇才傑抱將 將傳應嘉魏宗瀚等銓補前職但五寨之中又有 闗 緩急而五臣才力亦有大小臣等劑量相宜小埕 繼 任惟均合無比照浙江事體請乞勒下該部 州衛指揮 抱 總皆奉欽依以都指揮體統行事間浙海 祖皆熟語海務屢立戰功及照浙江定海等 時武弁無出其右次則烽火門宜用魏 魏宗瀚百户鄧銓浙江松門衛千户 1 宗 查 防

鈔定四犀生書 二日議處兵將以責實効 臣等查得前福建巡撫都御史劉燾分為南北 瀚次則銅山宜用 各陳陸兵三十名其經畫亦云備矣但祭遊既難 三路請設三祭將領之軍門標下另設遊擊一 患伏乞聖裁 則 得人而尾大每至於不掉數年之間未親成效 南日宜用羅 繼祖斯則因地用人乃無不勝之 **鄧銓次則浯嶼宜用秦國經** 員 中 次

執 官 刑 其 制 貌 温 職 扊 慰八関之望臣等謂宜請乞以戚繼光充總兵 之師而收堂堂正正之效者誠未見其比也第 雖不喻中人才則可將十萬南北将官號為 鎮守福興漳泉延建邵武福寧金温九郡 秧雖都督官幾副總殊未足以展其千里之才 此故也臣惟 ,方亦惟隨時措置有益成事而已今照分守 福 興副總兵官戚繼光忠誠懋著文武兼資 知兵之將世不多有治標之事難

欽定四庫全書 宜 路守備尚難得 領兵納級指揮王如龍其才則堪北路守備但南 把 得者今該臣等查得戚繼光營內見充軍門標下 臨事 充 其三路条将悉改為守備所轄信地俱仍舊章 郎 補其任則在平時既兵知將意將識士情而於 總納級指揮胡守仁其才則堪中路守備見在 如身之使臂臂之使指無不如意誠為計 以戚繼光部下偏 人臣等又查得福建都司署都指 卷書 **神晓畅兵事屡立戰功者**

海

各 其 縣南臺地方開設鎮守教場及監督公署在彼 官 管南路各守備 褌 將 公同 統督監 兵夫任劄 胡守仁王如龍 . 剂 該道分投監督水陸 調集合營訓練風 軍道監督容臣等查處堪動官銀於 防 職 禦三路五寨水陸兵將俱屬總 任行 推中北二路耿宗元以原職帶 今查照原分信地各带 汛之月乃 分布四出 防守蓋無事而合營 聴 聽 所 查 閩 兵

欽定四庫全書 備 圑 備坐營之任戚繼光部下納級指揮陳豪全科堪 鼓統領標兵其人則查有見任比路守備羅章堪 分守則水陸備於多算而事有成功誠又計之得 坐管都司一員專司調度中軍把總二員職掌旗 者但本鎮以一人之身轄全閩之廣取二三萬之 衆若非分任得人馬能巨細畢舉仍應照例添 操則號令出於一人而兵有實用臨汛而畫地 把總之任就而用之庶幾上下相信任使有

久足四草之二 三曰議處客兵以備常戌 而軍務為可舉矣再照原議遊擊領兵一枝專任 軍門標下以備往來策應見在遊擊員缺查有江 西南湖守備李超堪以銓補伏乞聖裁 故長於陸戰章泉福清之間人以下海為業故長 照得金台之兵臣與戚繼光居浙頗久勞心訓練 於水戰今制江不能不用閱兵以備之於水亦猶 福建一時不能不用制兵以防之於陸蓋其長技 揮襄城奏孤

為 有 九千名上班自今七月初一日為始分布教訓 兵從公詢審願去願留分為上下二班每班務 因行副總兵官戚繼光監軍副使汪道昆将前 遊藝行商實不可以禁而止是固無容別議外 防小汛至十月無警放班下班亦自七月初 越省從征勢難久駐而萬衆聚食坐費的金臣等 如南舟北馬既不可以强而同而其應募亦 始差官押送回籍至十月初旬聽各把總統領 足 日 但

致開他雾內有把總等官變亂行伍違誤戌期及 撫右侍郎趙炳然通行該管道分及府縣官員務 之故兵将往往以此為慮伏乞夫語叮嚀測江巡 不為本處有司所喜值其放班因肆凌虐情亦有 更番務以三年為率不許別有變更但出應募每 兵夫限七月初旬上班以防秋汛年年如此歳歳 班以防春汛汛畢仍於六月終放還又以前班 體存恤好得自分彼此因其應募賴事誅求

人こうこう かよう

語襄敏奏謀

四日團練主兵以固根本 有倍收至十一二两者兵有定數粮有定額所 食銀七兩二錢近年東南皆給帖聽募入自取蓋 四百名小縣亦不下百五十二百名每名歲定工 臣惟先年編愈民壯大縣多至五六百名中縣三 亦無唇亡齒寒之患矣伏乞聖裁 戰 赴 有人関事自定而制之列郡與関境土相接者 他處投用者聽臣等從重祭完智治如此則 陸

金万正左至是

甲 守巡兵備該道督責知府知縣巡捕等官通行查 習 出 訓 無益實用臣等謂宜將各縣額設民壯責之駐劄 利兵編成隊伍分為班次一 汰其老弱與市 詔下有司團練鄉兵法莫有便於民壯者乃沿 官軍之敬得禹兵於農之意比者屢該言官建 日久本意寝失以有用之錢糧養無籍之棍徒 在 縣防守 班屬之巡捕官領赴本府團 并 根徒補以精悍丁壯給以堅 班屬之知縣就 便

多定匹庫全書 員 每季更番稍均勞逸每府聽臣坐委知兵武職 互 쌘 訓 ep 乃為稱職否則他事雖賢亦以曠官論罪八府 務使人人善戰縣縣皆精該道該府該縣等官 練駐劉該道以時閱視別其勤怠精否而賞罰 相應援如此則糧 計 假以把總名色為之統督知府為之監督公同 閩之內可轉弱為强而議罷客兵矣伏乞聖 可得兵萬二千人小警則各自為戰大警則 的不增戰守有備行之三年

五曰議處憲臣以重監督 駐劄該道分投監督外至於合營團操與大兵進 除水陸守備把總分駐信地料敵出戰則聽臣行 也務察姦樂課殿功罪處置錢糧則監督之事也 督蓋訓練士馬臨陣決戰身先士卒則統督之事 凡用兵既有大將為之統督又必用憲臣為之監 裁 大將臨戎必同心文官一員與之終始其事臣

推遷 等查得兵備副使汪道昆忠存許國才足投艱 陸 按察司按察使協堂請給關防粉書監督全省水 生 欲其總鎮八関而汪道昆則伏蒙欽陞二級萬 今夏屢建奇勲武畧文該並輝窮海今戚繼光既 與副總兵官戚繼光雅志匡時協誠任事故去春 軍事務與戚繼 神氣勃下該 别省不免有拂羣情伏望聖明較念退方剛 部將汪道昆遵照成命陞授福 光同心一徳共濟時報俟其年

舒定四庫全書

灭

17 17 17

欠いりったいい 六日為舉賢能以備任使 宜思試照得福建海道之官最為重任人所畏為 鄉無完宇民樂從盜撫摩安輯尤貴得人知府周 而延建二府素稱善地比以山海之冠屢次傷殘 而擇人也但人之才器各有不同而時屬艱危亦 壽考久道化成多士濟濟隨試軌效固不必為官 勞茂著續用有成超格擢用伏乞聖裁 伏惟為政在於得人而見賢乃可授任方今聖皇 譚襄敏奏議.....

臣言不謬遇有前項員缺即將全制等推補則 池 才敵茂著素問軍旅人望共推且居関既久人情 分守建寧泰議金制分巡典泉泰議萬民英鹽運 **賢宣年瑜一考海道副使邵楩則任潘六年誠恐** 司同知劉汝順漳州府同知劉宗寅皆風抱忠誠 防事體境內民情豈能一旦熟悉今該臣等查得 利無不周知如家伏乞劫下該部再加查訪如果 旦轉選別行推補即係賢能克堪重任而於海

17:11:15

くれりき から 七日議處有司以圖治理 非徒以糾察未追懲創弗及方今外患始息內治 不時然論蓋誠有見乎此関中戎事日棘吏治日 該地方凡才力不及并貪污不職官員體 該言官建議吏部題奉欽依通行撫按衙門將各 繁望最切如使拊循無術防禦失宜民禍滋矣近 臣惟安内攘外必先有司盖其於民最親而民之 使得人而於殘破地方真有賴矣伏乞聖裁 譚襄敏奏龍 Ŧ 訪既真

金グでんとう 窮財盡之際惟峻法而取盈適力拙奉贏之秋獨 當修有司官員亟宜議處除循良者聞俟其成績 足濟貪政多播惡其官性資庸为志氣平污當民 其官利政教之録以沽名假飽遺之儀以射利 地方簡解許其自新不得濫及外該臣等查訪得 充耳無聞面命猶煩介紹措身無地跬步必假 興工以求悦政聲湮沒物議沸騰比二臣者貪污 職所當亟為罷斥者也其年力龍鍾才散為鈍

或 寓 散者也以上地方或為有會門戶而當倭賊之 准令体致者也其官外若可觀中無所取買辦軍 斥某官改調别選進士有才力者以補其任無 扶精力消亡職業曠廢此一臣者年老有疾所富 乞劫該 在山谷陳區而為冠盜之數安民彌盜必得 移志非尚往此一臣者才力不及所當改調 百求而百不給講求民瘼十問而十不知政已 部再加查訪如果臣言不認將某等 : 9 衝 朋

舒定四庫全書 日申明職守以振頑惰 乞聖裁 因地擇材因才授事官守得職而民生有依矣伏 凡以下桿民患上酬國恩由彼視之因皆分內事 民力故出海有軍烽堠有望隘塞有把城池有備 初沿海地方衛所相望行伍充盈一切軍需莫非 臣惟以民養軍以軍衛民三代以來未之或改國 比來法今廢弛行伍空虚各該衛所官軍

馬 城守則恬若罔聞於是乃復以供賦之民受登陴 桀驁不馴頑 守 之役事之倒置未有甚於此者夫彼以積 用養彼為哉查得見行條例凡沿海及腹裏 攻圍 縣與衛所同住 力猶可為 於不教而戰水陸之防固無望矣至若提城旬 不能固守衛所掌印官與專一 顏又所養非所用 鈍 無恥驅之我行則恍然自失責之 城及衛所自住一城若遇大 所用非所養則又 捕盗官 弱 旬 府 名

針定匹庫全書 官及捕盗官與衛所同住一城者不能竭力協守 補之其不食糧軍餘舍餘既有身家亦要一 差而失陷之罰亦有輕重臣請申明前例分別職 俱起送吏部降一 署名防守如或老弱即為汰革另選餘丁精壯 民相錯者責之掌印捕盗官編定精壯食糧官軍 比照守邊將師失陷城寨者律斬其府州縣掌 如鎮海等衛安海等所官軍自住 級別用是則典守之責既有等 一城並無 體 EP 居

スピロュ 擬 期 探 簽 及居民補其不 如或城垣寬養戍守不敷先儘官軍 罪 岩 協 啃 援兵援兵閒 7.5 如 週期 若倭賊始登攻圍 相 賊 助 機嚮 勢重大攻 其餘與府 雨 援兵不至因而失陷 往大約 報 足假今失事悉照前 車襄政奏號 圍緊急許 州縣 必 離 須 未外援兵已發 程三日 同 糛 搠 住 赴附近 糙 一城亦 者 人械周支 者 即 領兵官 限 守備官處請 脱此 而 例 三十二 後 行粮 程 分 レス 期未 + ٧X 别 例 機兵 胳 論 編定 H 沿 途 為 律 罪

金罗正是 九日請乞錢糧以救危急 臣自受任以來歷稽往牒福建用兵之始歲费六 萬然而武備俱廢冠患益深而関遂不支矣及巡 盡罷兵食祇增軍糧大約一歲計之猶至二十 十餘萬其後巡撫劉貳當訟乏之時為搏節之議 如此則事有責成人無規避敢愾之勇可作偷情 及為賊所襲原非攻破者俱止罪坐本衛所官員 之弊可祛而無復覆轍之足虞矣伏乞聖裁

ていることに 准 有 **帑銀近俱用盡即有未到之數內又除去三萬兩** 三萬而各營斬獲功級不啻三千五百有竒解到 銀兩関事去矣臣始入境則各部調募官兵已近 非 民間窮因無救供需其後失事日殷調兵日至使 作典化修服等用外以臣等計之僅存一十 聖明大破常格特發希銀與取回浙直原借去 游震得繼任之後更議調募稍為調停雖費出 經亦不下四十二萬顏廣中奏留僅存虚數而

金厅已尼在書 食不繼士氣不張不惟盡棄前功抑恐仍蹈故轍 行之或可濟事即今汛期相仍歲事孔棘萬一兵 視前巡撫劉燾所議之數止加四萬亦期以實心 修船給械懸賞衝鋒通計一歲非三十二萬不 共計用兵二萬三千歳用工食銀二十八萬加以 两以供來歲之需近該臣等部署水陸分布官兵 於廟算垂成之功終惠於海隅更生之會初 臣以身殉國固所甘心國事謂何伏乞皇上留 可

十日請緩征科以恤凋殘 之不臣 孰謂不臣而可為也近因各省拖欠內庫 臣惟貢賦惟正之供催科有司之職市思曠職謂 報無足以濟部中待哺之急免日後噬臍之憂伏 鹽課銀十二萬两兩制鹽課銀四萬两兩廣椒木 乞聖裁 銀四萬兩責限解發前來聽臣搏節用度散記繳 該部查浙直江西先年用兵事例就近請發兩淮 雄襄敏奏儀

次定四車全書

. <u>+ ۲</u>

為 使之集流亡智通負誠不忍出諸口也過蒙皇上 恩軍溝壑化被海濱大施曠荡之仁屢下蠲免之 雖 矣以此而責有司招禄之撫字之猶懼不族將 危急愁苦之狀殆周人所不能喻鄭俠所不能圖 厯 福典延建汀邵之間聚落成墟污菜厳日民間 為下固知內庫為不可缺上用為不可藉欽限 銀節該戶部題請通行撫按督催按季開報 不可違部議為不可格也近該臣督兵剿賊

然改慮後該巡撫陸稳奏調龔有成巡撫游震得 龔有成龍巖縣知縣湯 **飲而得不償失将馬用之查得先任詔安縣知** 有司或以塞楚難心或以擾鋤起豪縱能頭會算 使臣不能宣布德意而 文逃責之心而為遠禍全身之計有司響民民響 今民間父老猶幸得及於寬政庶 幾可保其餘年, 部議以完糧不及分數照例移官一時有司 相俱各心勞撫字政批 切替責有司彼必以應

とこうもという

郑襄敏奏

主九

金げらた 戚 庶遗民得以休息而更生下吏得以舒徐而從事 地方幸甚臣愚幸甚伏乞聖裁 治 議莫不感激思奮精白承休是則部議之殿最 奏保湯相 曰乞蠲 省即七分不完好免降級四季未報無論看 者也如蒙乞動該部 視之以為污隆吏治之污隆民生視之以為 2 租稅以復流 於是始知朝廷不輕絕之仁無求備 移 **愧念流** 離稍從寬假福建

濟 復該巡按御史李邦珍發銀六千两與復水利賬 臣 兩為之修城築堰 永寧漳州之玄鍾南晴生理久絕喘息未甦以此 平海福寧之寧德建寧之壽寧政和泉州之晉江 而 流 視全省之民又不可以同日語矣先是與化克 者至深切也 離近報平海湯平又該御史林潤請銀三萬 謂緩征者謂全省之民也至若與化之莆田 顧自 明貧助耕凡所以為斯民居養 府縣官到任以來日以招

銀定四庫全書 非 德壽寧政和次之晉江永寧玄鍾南靖又次之使 所必至理固然也竊計地方殘破莆田平海為甚寧 徳之民久報賊平不顧歸復政和壽寧之民猶懷 有城可守民多疑畏相率流移紛紛未已及查寧 為事近欲清查戶口歸併都圖乃拊循之急務而 亂畧不樂寧居大率民困則易難民勞則易動事 民怨征徭之將至又皆轉而之他即使有地可耕 廣布之以寬貸之恩明示之以招徕之信即使

使年穀不登而舊積可資豐年可望於是持其緩 急為之調停即寬一分民已受賜一分矣乃今故 息有期歸復可待庶幾漸遂有生之樂益彰無外 者三年而後納稅次則二年又次則一年使之甦 可以少舒乎災傷之民而不可以緊施於殘破之 之仁但照邇年部議蠲免猶征起運僅免存留是 何則水旱之災不常有而豐山之歲恒相乗即 文:"赛

龔黄為治民弗能依伏乞免其征科與之更始甚

金定四唐全宝 十二曰請復額糧以修軍政 質為廢已往 既無所憑生業淪亡将來又無所賴 誠能寬之歲月悉為蠲免無一方可無後憂而三 年或有成効伏乞聖裁 故雖用其一而緩其二彼惟知有怨而不知有恩 善矣其後承平日久尺籍徒存軍兵不足賴而後 初衆建衛所部署官軍出則從征居則戍守法至 臣惟三代以下兵農始分兵制不同用之惟 画

. 轉弱為街而為久安長治之謀則必查復額糧振 察或那易别用或轉運地方理固然也乃今欲以 内之賦養境内之兵非自外至者也適來衛所消 益廣矣查得國初舊設福建馬步官軍四萬八千 有民兵民兵不足賴而後有募兵制益分而軍费 知其所餘者凡幾何矣當事者綜聚盈虚裒益多 耗行伍空虚計其所存曾不能以半較之額數不 二百員名夫有軍則有糧有糧則有額要之以境

而罷客兵調募之費減民兵供億之需因地制賦 氣舉客兵已武之法以定其趨俟三年有成由是 標緩則治本治標者為附之類客兵是也治本者 飭武備計莫出於此者何者醫之攻疾也急則治 壯定其部曲時其訓練籍客兵既張之威以作其 軍需可不外索而自足由是而汰其老弱選其丁 移者照舊補足轉輸者照舊取回是四萬八十之 参术之類籍兵是也誠能申明舊章查復定額那

金定匹尽人

策不然往事具在顛覆相尋臣等雖竭大馬之愚 陳訓練主兵查復額糧與前巡撫都御史劉壽先 劉平倭冠似有功人員懇乞録賞以勵人心疏 亦無救地方之患伏乞聖裁 需之以哉月不免同入於虚文故臣等徴兵請詢 之議恒拳拳馬必期以三年之久無幾為萬全之 年建議因兵以求兵因糧以求糧大意相似自非 因賦制兵真敢時之長慮修武之善經也以上所

倭賊盡絕地方底寧前項有功人員相應查叙伏乞具 同 三百八十名口槍回夷遇三十九百六十一件俱發運 多定四月全書 二千二百五十名類奪回印信十九顆救回男婦二千 劉 郡 庫 各兵備道呈報先後水陸官兵通計擒斬新舊倭賊 彰 被掠男婦俱發知府易道該審放即今省城以 汝順紀驗印信發興化府次貯給兵及分發府縣 社為塩舊所未親師老財竭未次全勝之功而遣 勘典等因備呈到臣伏照倭冠為患業已有年

久己四草文一方 賊遂昏迷失守彼之去也若或尼之而我之成也如将 成功之速要非人力能為蓋當其來夜出海會有風雲 之變賊即受挫還巢而我之四面合攻猶如雲霧之典 将徴兵仰屋九重之慮今乃衆方入境行未息局而賊 故海陽蒼生咸歌誦乎帝德而封疆臣庶敢妄貪乎天 功他如輔宰之憂先天下運籌于密勿之内本兵之念 助馬是皆仰仗皇上玄德足以格天而彼蒼所以悔禍 已覆集亡不旋踵華夏之氣以舒冠裳之恥盡雪即其 揮集放奏張

官各効一臂之力者分別次第敬為皇上陳之在文臣 成畢舉群策功智第一臣何可言臣謹以有事地方之 則 折衝三省允為元老之壯散制勝八閩幸樹無前之 有 恫疾決勝於萬里之外言官建議動中機宜司署受 剿並用念八閩之窮因而寝食俱忘舊賊南平共仰 **續庸功一奏人望共推前任巡撫福建都御史今回** 勘将震得東心淵塞惟志忠誠慨二冠之猖狂 如總督廣閱軍務都御史張泉威望素隆先聲丕 たこ 而

くこのなったい 一 <u>;;</u>; 省之震動而彈壓以身議兵議的皆抗疏以上陳而為 逢而争先之勞皆存成真巡按福建監察御史李邦 雖危而益屬出其憂憤屢著忠猷雖平海之捷未及躬 國為民其自任之甚重蓋才堪濟世而義在和衷紀察 撫江西兵部侍郎胡松巡撫湖江兵部侍郎趙炳然 明成功攸賴南京戶部尚書鮑道明兵部尚書李遂 在 觀風心同濟變視時事之艱危而推納若己因會 揮襄人奏義 韮

誠才之合與城失守豈由提督之缺志已折而不回身

而 功 可通誠文武之全才堪一方之重寄以上諸臣功當首 有 發憤遂被髮而纓冠當巨怒之成擒而倡議請兵早 有待於今日知名将之間出而推誠相與迄以共濟 赴公家之急分屯遣将務舒隣國之憂我武維揚 浙 撫南賴兵部侍郎陸稳巡按江西監察御史陳志巡 自兵備副使汪道昆才猷揮霍程度恢弘每憂時 親念其幹盡之勞精力俱竭 江監察御史張科仰承明命念切同舟轉的祭兵 卷 即此匪躬之義神 成 明

金少正

屋台下官

而 遂奮發以從事分督官兵纔當二十之一而斬獲首勇 義念念憂民初志存節省乃展布之未能比身際顛危 加 所宜超格優異游震得謂宜不待勘明復其原職 士馬數騰原任分守福寧道左祭政翁時罷孳孳為 陛賞者也分巡與泉道福建布政司右恭議萬民英 閉武畧人者英聲推誠任人而衆心豫附監軍給的 續汪道昆久親戎馬茂著勛猷臣謂李邦珍汪道

論內李邦珍破格任事竟廓妖氛游震得無改初心終

肟 事 囘 劉 · 発二百 敢議 戴民志允孚以上三臣功當並論內劉 糙 有 Jt. 汝 此 則在任未久失事亦 则 順畏塗給 為有守所宜從重叙 則或功浮於罪或 功 擬也乃若左布政使曾于拱按察使萬衣副 之多有志竟成遇變弗懈紀功鹽運 非 因 人罪 鉤不避 不 在 艱難 重雞 用萬民英分駐泉州連 罪浮於功或功過 已謂宜開 曠日露衣備嘗魚阻 無桑土之謀實有 其俸而論其 汝順 相准 任 司 非 擒 功 怨 士 及 同 住 翁 任 知

欽定四庫全書

周 匱乏之時極賴飛輓之助人 皆畏避彼獨驅馳又若署 效忠猷或公私之具竭而轉運惟艱或冤盗之猖狂而 府 福 邵楩余曰徳恭議黄朏愈事金制曾一 , 禦備至譬如逐鹿咸事張羅又若南京兵部主事 **賢宣漳州府知府桂嘉孝泉州府知府周道光與化** 泰南京户部主事陳思宗問閥奉委匍匐的軍如彼 州府運使何思讚建寧府知府王一鴞延平府知府 知府易道談福寧州 知州夏汝礪福清縣知縣督應 經同當禍變均 贺

丞 繼 欽定匹庫全書 監 萬衆之衝百責攸聚縣丞王繼祖陳 氽 軍 武 関縣 揮使徐高或因混同而住俸或以帶管而取尤今賊 曰徳黄 王繼 伏誅亦宜開其俸而叙其績至於 矢石紛紅生死弗避以上諸臣功當優養內郡 福州府經歷王坊歷涉多艱輸轉不乏南平縣 祖福清縣縣承陳永倉官開鐵隨軍給的策馬 知縣鮑宗沂侯官縣 肚金制皆誠與才合而事與願違與福建都 知縣任春元都 永倉官閱鎖身任 知縣督應元邑當 司斷事深

欽定四庫全書 多戍久而有權 賊 數愈 事 言之有 兇 軍之役 劉 無 雪 顯沈熱有謀精悍無敵以烏合之兵每用寡而擊 明處勝而機事益密批亢壽虚彼聰畏之如虎 如總兵戚 類豈徒振古之縣将實為當今之虎臣都督愈 斯民望之如雲全師 事無違尤宜録用以酹其 宜思神 能轉弱以為强位萬而無愛惜得獲 繼光 基彈 莫 鞠躬盡瘁用兵如 襄 **测時名知重士氣獲伸總兵** 敬養議 奏凱兵不留行一 勞 神 者也以武 文八 駅衆而 戰 成 職 獨 功 除 分

女口 南寬漳泉瓦解歐陽深既殁俞大猷不來則劉顯勢 亦 不可成議者以為確論臣請以是而定諸將之功馬至 俞大猷弘廓深遠渾厚老成論兵如王翦大而非夸取 江口則 山破敵得萬全之策居然大将之體久矣丈人之貞 難人駐然非戚繼光節制之兵則推陷廓清之續 上 如子儀威而不猛滅倭有議制勝於未戰之先坚壁 諸臣功當首論故或謂賊破與城之後無劉 必北突會省震驚無歐陽深扼之溪賴則 頫

欽定四庫全書 伯 也兵部聽差指揮宋連唐安南京戶部委官提舉郁瑠 當 兵部委官指揮靳文部押糧的奔馳萬里水路撫民許 身 玌 于中哨把總胡守仁王如龍趙記王輔陳禄葉大正朱 樂塌右哨指揮魏宗瀚千戶楊弘舉舍人朱相俱各 併論而中哨各官奮勇直立成功神速九當優異者 先士卒手刀倭冠雖其功次有差均之縣雄足賴 元熟丁茂童子明孫延賢哨官俞志隆張買王寧 助禮標兵把總陳其可蔣伯清楊文左哨把總部 谭襄敏奏張

布上郡遇為聲接近之壽政之冠畏威斂戢旋就誅 羣醜将亡之日所當併議領江西援兵恭将梁成愚分 榆 無資所當叙用者也戴罪然将畢高身披草莽志在桑 武生傳應嘉千總張犯俱各親行伍而佐軍功員矢石 而 朝 Ē 騅 作士氣功當通論而方伯武傳應嘉枝藝問問智勇 光截賊海奔獨當一面 招督軍指揮盧張臣百户方伯武崔經吳經羅 不能効死守於連城未破之時而亦能殊死戰 與領哨把總者應宿陳倉干

盡宜援三年不計閏之例少伸一日愈於己之私伏 員役開載未盡備存紀冊者一應查例施行至如臣者 聖慈俯從臣請及照臣有書辦任相王應麟蓋嘗從臣 者優異應陞賞者陞賞開俸贖罪者開俸贖罪餘有功 将戚繼光等破格陞賞游震得早賜叙用其他應優異 望皇上勅下該部再加查議如果臣言有據所叙皆真 以墨縗而從戎實因人以成事今服雖甫終而心殊未 所當叙用者也此臣得諸目擊之真實無纖毫之爽伏 乞

惑民固皆起於兵燹之傷殘迫於饑寒之無賴将即 據 冀思私均垂勸典如此則賞不至於踰時勞無微而不 欽定匹庫全書 而倭冠不足平矣 於金革之間委身於行陣之後比之常役倍有憂勞仰 人心思奮士志益增無煩期月之間坐復東南之盛 各兵備道呈稱流冠悉除等因臣惟頑民梗化妖巫 官兵剿平流冠查祭功罪人員以彰勘懲疏八月 題

臣既 免大兵進剿致使賊兵進合黨與日增流毒三縣衆縣 萬 數百及至出境之後尚分二宗乃屢報格殺微功冀 自來矣即兹賊首陳明光余珦十等本以龍嚴漳平 **我為張璉廖選之羽翼既編網於鉄鉞復起雾** 不、 此大田沙縣縣官之玩冠也自非巡按御史李邦 該府久駐彈壓分守祭議黃朏調集錢糧圖為 此龍嚴章平縣官之養冠也當其初起之時衆 知兵守令之官復事玩冠萌芽不翦致用斧斤

欽定匹庫全書 脋 議黄朏愈事曾一 則 同心将士用命流冠山冠一旦掃平四境寧諡以功言 戰 府 接濟分巡愈事曽一 知 **;**₩ 當 把總楊文將伯清陳其可樂塌等直入賊巢分屯血 周賢宣以持大征身親勒戰及非總兵都督劉顯 則 何 按御史李邦珍本以觀風之職每超格於提兵祭 火燃泉達之勢駸眼未已而枚焚極溺之費又不 如其為力也今仰仗玄威震疊廊廟計誤文武 經曾無一 經 親臨營壘監督進止延平府 旅之師輒多方以濟變 1 知

單 千戸馬桂武生鄧子龍把總樂埙哨官劉招桂劉添 周賢宣治兵轉的勞苦功高決策運籌機宜屢中總 朝义吳鯨王茂襲仁巡檢孟汶均效驅馳之力共 遂使烏合之衆膽落魄飛奔逐之徒魚沉鳥散以上 騎服敵把總楊文將伯清陳其可馘賊首惡挫彼 獲之功推官江南 所當首叙者也撫建恭将梁守愚指 劉顯用强等之本勢當己成之賊鋒一 知縣康求德督的多勞履臉不 揮劉偉凌芝 一戰破巢

贖 提 尤 縣 戰之功當 以上各官所當次叙者也再照延平衛百戶超環王焜 為盜 溪 問 縣典史何壇雖 知 者也以罪言延平衛指揮其謬總鄉兵之任未 縣、 縣某沙縣 者也龍嚴縣 既不能安輯於 知縣劉應龍大田縣主簿盧敬典史孫 刻期而逗遛 知縣其冠方入境力實難支 有鵬剿之功難掩失事之罪所當准 知縣其漳平縣知縣其養虎噬人縱 觀望每臨賊而退縮潜藏 平日又不敢發覺於臨時大 乃師 肥 所當 植 闢 南 田

欽定四庫全書

-

某等各罰治超環等與魏文瑞俱准與贖罪如此無有 等查例性賞沒守愚等賞費王某行巡按御史提問劉 罪等相應准贖如蒙乞勅該部再加查議如果臣言不 魏文瑞因余珦十既敗而逃回逐能設計以擒獲功與 功競勸有罪知懲而地方之太平有日矣 謬将李邦珍超格擢用劉顯黄朏周賢宣楊文蔣伯清 妄報畏備的而阻兵以上各官所當罰治者也內知縣

譚襄敏奏議卷一				欽定四庫全書
議卷一				*

焚香望闕叩頭祗領謝恩記伏以皇威廣運俄収無敵 兵部 飲定四庫全書 三十两約線二表裏飲遵備咨賣棒飲赏銀幣 譚襄敏奏議卷二 斬倭冠數多功委可嘉譚編陞右副都御史賞銀 題奉聖肯天地宗廟垂祐八関底寧各官協謀戮 恭謝天思疏 精四十二年 袇 Ð 题 明 譚 綸 撰 到臣謹

偶值 於宸夷甫被命而墨線竟超資而東鐵念兹平海之續 频夫增秩赐金乃所以表卓異而緇衣版榜亦必以待 賢孰謂孤遠之臣刀有殊常之遇兹盖伏遇皇上德 功龍命維新薦拜非常之賽食天是懼戴德奚勝臣 自聖神忽拜懋官之榮遽陷承貳起家太驟荷賜何 恐誠惶頓首頓首竊念臣機以幸布之賤仰蒙陶鑄之 始筮仕於中朝徒勤砥礪再備官於東海有愧章維 在金之時誓無派於出志誰謂夷革之念遂上徹

金是四度 在 ····

白比於南金而寸有所長期舒憂於北極臣下情無 磨混志切斬鯨益有事綢繆心同衣御即毫無可取愧 **砆之何幸承筐篚以併臨揣分未堪圖報靡及惟争** 而惟重金分內爷榮耀百朋幣出尚方寵逾三錫合碱 伴造化明並 照臨視民如傷遠邁 周文之敬任賢勿貳 一行神禹之艱舜干羽以撫四夷垂衣裳而奠八極 閱之冠警上屋聖懷遂使白面之書生切承蘭寄 月而三捷記人力之能為未半載而再逐實功疑

據兵備於事於元呈稱奉南戰軍門憲牌據所報城蘇 欽定四庫全書 理公同巡檢阮海在縣防守城池本官親自招募永福 问 捕官調集精兵刘期追捕以静地方初九日據漳州府 阿普范祖贵梁益巫二妹等即行漳州府同知劉宗寅 激切感戴之至 知 汀州府同知尹尚賢會同計剃嚴督各該縣掌印 劉宗寅呈報知縣魏文瑞先將印信牒送主簿管 縣官督兵剃賊奮勇陣亡請邺典以勸忠義疏 ĸ,

移師及之故屢次批行巡視海道副使周賢宣會同 潮機宜未便勢難無舉臣計必俟海賊成擒之後乃 **敞緩之則難屯為害盖自昔而然于今為甚誠神人之** 勢威本官被贼陣已備報到臣臣看得山冦蘇普等結 等處鄉兵三千餘名迎敵殺賊斬級一十 御史其百朋方受害入境伸威營總兵俞大猷入督兵往 黨千百深藏萬山之中屬在三府之界急之則烏散無 共憤宜在伐所必加但屬我海寇方熾而南贛軍門都 颗春城東

賢集見官兵設法擒剿同知劉宗寅知縣劉源湧照依 南武平等道就近酌議相機而行去後盖已逆知此賊 欽定匹庫全書 源湧魏文瑞止於分屯把截同知劉宗東亦止奉文監 已成事難中止除一面行令潭南該道嚴督同知尹尚 據險善戰要非鄉兵所能辦矣令據報到前因則賊 尚在正月初六日專任楊樂之責同知尹尚賢知縣 原分信地應接防過仍聽南輸軍門調度及據一時 兵官员通合有罪但查分守信地相去稍遠剋定期 E

卒之首犯賊鋒身膏草野臣子之心久能自情忠義之 碼 雅抱忠猷誠心幹濟矢謀討賊以身任而不解策馬前 督龍岩之兵乃知縣魏夫瑞首先遇賊以致陣己此事 行查勘從實参究外為照漳平縣知縣今陣亡魏大瑞 氣凛然猶生實文臣所希有為人心所共惜若不亟請 俱生當在剋期之先報以營素直薄賊巢期於必克 既深、 不測而於同事各官實情有可原法難緊坐容臣再 入而益奮於其募兵之始即以印信付諸僚佐誓

欽定四庫全書 一 李超統督台兵二千自漳州兼程前赴省城謁見巡按 **劫汀漳廷邵等處地方屢招屢叛近又贼殺漳平知縣 監軍按察使汪道昆呈稱賊黨盤據香察時常出沒流** 則地方幸甚臣愚幸甚 請照例褒邱于以慰忠魂于地下勸有位於将來如此 恩贵無以下慰羣情如家伏乞勅下該部再加查議 大瑞大肆猖獗奉福建軍門牌調發標下遊擊將軍 官兵捣平大勢山寇巢穴飛報全捷疏

赴永安等縣隨賊向往相機截割等因本道會同成總 擊將軍李超陸續飛報捷音前来延平衛百户超環統 领鄉兵進攻北山陸續鵰剿擒斬賊犯余舉七陳福鑑 督令前去聽遊擊將軍李超統督分巡武平道監督 少牌行本道即取新到制兵二枝從宜給與錢糧器 調發把總全福景良忠二管官兵督發去後隨據遊 子御史面授方略即超延平邀截仍恐所部 一百一十 九名颗續報逆賊楊一

欽定匹庫全書 縣縣丞王繼祖齊領的銀前來接濟本道隨管監督图 齊至本道督行延平府多辦火樂器具備用及委南平 俱聽延平府推官江南監督進剿隨該遊擊李起部 塡統領部兵及線兵千户張豹武生陳世湍統領民兵· 南赣兵威意欲運入江西地方本道隨調練兵把總樂 五千人也割洪田勢必奔突永安一帶會同本道分布 颗餘贼退屯洪田遊擊李超探得贼首楊一等擁衆四 二月十六日前賊掳掠地方被樂塌超環領兵斬級

打黄龍土寨 總施觀定徐全為右哨而以名色把總葉延選督陣本 衝鋒而以名色把總李越督陣以名色把總胡世副總 貢川為長驅計本遊将兵預伏近地待賊 月二十七日各贼不知大兵已到仍分為二枝 以坐營把總蔣伯清名色把總何十之各部兵為前哨 贼遂奔遯官兵乘勝追至吉山地方將伯清率兵衝 各部兵為左哨而以千總張九韶督陣以名色把 放突至永安縣城外意在掩襲即取道 一至産兵四

飲定匹庫全書 據險固守後難進攻隨今衆兵乘勝躡踩追至馬家山 鳥道險阻距洪田一百六十餘里若使各賊先至萬果 山林星夜分道復回香寮老巢遊擊李超替兵窮追奪 踵進 攻遊擊李超兵取道黃龍村夾擊賊東大敗处伏 計其數餘黨復回洪田屯劄三月初一日南赣官兵接 鋒李超催督何十之胡世等兵齊進共擒斬賊級三十 回被掠男婦六十名口本遊看得香寮老果林菁茂家 名 颗餘賊奔潰前阻如河被兵追逼下水淹死者不

急し 劉營次早且薄賊 巢各贼原築高大工堡五座堡外 官兵奮力截殺即時斬首二十餘颗各賊復退入本 官兵知彼說計求緩愈加奮勇攻擊至初九日城勢危 今兵搭造敢臺雲梯連日及打不下計令兵士次盡池 各開池積水堡內多用鳥鏡藥等併力拒敵本遊督 每兵各備柴草三担堆積與堡樓並高以便火攻賊 日己時送出先鋒鄧朝贵賴忠必首級欲求招 夥突出直衝把總胡世兵管要得奪路处走各該 四

遯 H 前各寨尤險遊擊李超會同本過議得若照行師節 蘇家山大寨離我兵營一 後曹家寨烧死贼徒不計斬獲首級三十三名類仍有 盖竹溪寨斬獲首級八十 贼死不計其數擒斬一百二十名颗初十日乘勝攻破 官兵乘勝攻打又於敵臺上布橋度兵上屋放火焚燒 行不過五六十里深 以成功必須密合官兵連夜兼程出不意方可決 入彼中既無宿所又或聞風 百三十里周圍崇山峻嶺視 一名颗本日申時火攻祠堂

銀炭匹店 全····

勝隨於十五日四更督發調到把總金福景良忠新兵 前鵬剃通共擒斬五百四十二名類俱委官紀繳記 焼死外擒斬 兵節次攻堡對敵陣亡邻志厚等三十三名被傷 一枝與將伯清等兵衛杖疾超至本日申時抵蘇家 寨攻打各賊多備鳥銃矢石據城對敵至二更官兵 整崩城墙的三丈許乘勝入城放火賊不能當除 一百一十五名等因備關到道又關巡視海道 一百五十八名 顆谷寨俱破餘黨悉平 何十

等因到道又據紀功官延平府推官江南漳州府同 兵在剿玉石俱焚三月初五日将楊一縛解淹平縣監俱 差漳平縣署印經歷具豐等宣布三院德意省諭彼中 不下四五百級併報到臣該臣看得香寒逆賊盤據萬 等因及據兵備愈事黎元節將南贛官兵進剿功次亦 劉宗寅各呈報相同所據前項有功人員相應照例 親屬計擒首犯餘悉與免罪有楊一徒人楊偕等恐大 陣亡戰傷官兵相應優如通候查數明白另册造報

好定匹库全書

靡习遺自是地方無鋒鏑之慘良善有耕鑿之望所據 察使汪道昆運等决勝而人知用命以故師不再來寇 督同知戚繼光遣將誓師而賊己落膽監軍按察司按 察御史李邦珍紀察惟明三軍思奮鎮守總兵官署都 右愈都御史具百朋受命惟謹千里督征巡按福建監 神威有赫廟算無遺責成臣等主於速剿而南賴軍門 山之中業已有年殺官殃民神人共憤兹者仰仗皇上 くこうら たい 有功効力人員除屬南贛者聽南贛軍門查飯外其在 钾裹敏奏战

善類 成功之速巡視海道副使周賢宣思信素手士吏咸 武平道金事曾一 胃百里趟利之戒以一鼓成擒之功威如迅雷掩耳不 福建則有如標下遊擊將軍李起有勇知方善謀能斷 金厂工厂人 而羣策畢舉日不暇食寧辭軍務之勞師皆宿絕竟致 勢同破竹迎必皆解然且避遠師以杜争功之雾保 其冠軍之續居然上將之材功當首論者也分巡 以弭妄殺之災非惟悉合乎機宜柳亦不愆於節 一經隨營監督而諸險備當臨敵制勝

同給飽的而飛輓不絕材官用命關士伸威功當同論 勝功當次論者也延平府推官江南親管陣而甘苦與 民徐全戰無不推攻則必克或首扼突圍之寇或先登 者也各管名色把總胡世何十之金福景良忠副總吳 精悍氣復飛揚率東深入不避諸難乘勝長驅遂収全 者或以文事而著武畧或用智名而並勇功所當併論 生縛渠魁而兵不血外拊循良善而民皆按堵此二 〕坐營名色把總蔣伯清督陣名色把總李趙材俱 豆

くこう夏

軍裏敏奏議

官兵相應照例優恤恭候命下施行 或蹈不測之地而轉輸或率未練之兵而克捷功當並 恒苦於奔命桑榆底績扶社同聲延平府經思湯岡南 練兵把總樂埙提師一旅本難責其成功轉戰千里亦 堅壁之果斬獲既多黨類已絕功當通論者也延建邻 論者也其餘斬獲功級人員相應照例陞賞陣亡戰傷 平縣縣丞王繼祖永安縣縣丞張世鑑領兵百户超 官兵追剿大勢倭賊三戰三捷地方底寧疏

金ダロドノグラ

で定四事子 うー **偷看兵斬獲倭級三颗生擒真倭一名仙遊縣鄉兵軍** 揮丘鳥實省祭楊漁督兵生擒真倭二名白顏巡檢 由水路策應以防搶船下海尋該署南路守備耿宗元 據監軍按察使汪道昆呈稱原攻圍仙遊縣城大勢倭 督把總暴以平等官兵斬獲倭級一十 贼先該本院親臨詢度戚總兵統督本道監督各該官 督行府縣衛所官員固守城池及調把總傅應嘉兵船 兵進剿焚倭三巢殺賊千許餘倭萬數敗追南下各道 挥裹敏奏職 颗平海衛指

獲倭級 **飲事李儒烈關稱正月十三日把總縣易下兵在射店** 斬獲倭級三類康店驛夫曾綿等生擒真倭一名又准 安海等縣所城堡俱保無虞又該南安縣鄉兵王應文 三颗 生擒真倭 等生擒真倭二名前贼追遇晋江南安同安高浦 斬獲倭級 兵洪子強等斬獲賊級 颗指揮百布周千户方型斬獲倭級 名從賊三名高浦所千户李如玉督兵 颗都司取宗元兵在小盈嶺哨賊斬 颗又據塘兵胡 粡

寒

赞畫生員全文通督陣俱丁三更自芳溪起營平明 署南路守備耿宗元為右哨中軍把總具京湖江軍門 てこう ニー・ニー 路守備王如龍為左哨中軍坐營把總陳豪為中 四名的於二月初三日起營分布哨道預授方略 一彩倭寇屯住同安縣坂尾地方隨獲犯人柯六等 隨據總兵官城繼光手本開稱哨得前項殺敗南

砋

颗鄉兵柯和付斬獲倭級

颗各解道紀

颗鄉兵召廷信斬獲賊級

數合前鋒點倭俱被我兵剿殺後陣倭賊不待交鋒望 名色把總朱九龍丁茂親執招摇當先率兵衛進鏖戰 龍枝刀欲所領兵把總哨官仍要自刎誓死決戰隨該 千衆列陣以待兵見賊勢重大稍亦劄定該守備王如 沈元就近探得本日寅時賊果起營沿山徑下離我兵 裹社王倉坪地方正遇倭贼午炊探知兵到贼擁四 深青驛設伏先差塘報把總愈世隆錢助禮哨官王漢 十里本鎮催發各兵分為四路由仙店大路追至

金牙正匠人工

损通 餘名口本日鄉兵柯和仔斬獲倭級 **管該名色把總陳禄張元熟率兵** 挫投墜山谷及奔過朝天衛去記遇夜以兵並無傷 一山我兵追上山頂本鎮督戰益力至日將没賊復 共斬獲倭級一 以平楊世胡守皐滕易陳倉由北山邀擊賊皆奔 百七十七颗似回被處男婦三千 與泉道紀驗記 颗骨江縣義士 齊衝進耿宗元 即今城

倭十級從賊 追至該縣分布民兵生擒真倭五名從賊三名斬獲真 倒屍數多賊隨路拆屋焚屍奔通出漳浦縣地方本道 同安縣被據人劉大同從天寶山沙回供稱各賊中毒 密今義士潘元先於溪北糖寮將糖內盡置毒樂隨 **賢宣關稱王倉坪殺敗倭寇奔突長恭野無所掠本道** 鄉洛居民始皆畏服兵威無復阻挠又准海道副使周 軍門審驗記准城總兵手本開稱前倭過至漳浦縣 級及等獲接濟犯人謝賛等三名俱

銀定四庫全書

龙二

哨道以坐營把總陳濠領陳禄陳文澄張元勲各部兵 但 象舖地方據蔡丕衛為果意欲窺漳浦仍蒙提督軍門 心 臨 月十五日兵至漳浦縣本鎮備知贼巢據險難來 [調度巡按李御史就近紀察監軍道分撥部兵前 助巡 元臨陣計議漳州府署印同知劉宗寅督運糧 衝鋒而具景督之以此路守備王如龍領楊 間兵至夜追出境愈難追剿即於本日夜分布 海道隨營監督泉州府同知譚維爲漳州同

翳山下田洋俱種甘蔗雜以荆棘不能用武各賊先瞭兵 先登巢後髙山俯視賊巢如在鍋底山壁削立林木箭 至設伏族林兵已逼近四面伏倭並起各兵分投格殺 合後 元暴以平胡仲单各部兵為右哨奇兵而以王輔督之 以百户方伯樓大有并遊擊李超領將伯清胡世取宗 和和 丁茂朱九龍各部兵為左哨正兵而以金文通督之 則以陳遠婁子和施觀定南路陳倉楊世縣易 各兵割營山上以備策應俱於十六日卯時進發 俞

欽定匹庫全書

益奮賊又大敗各兵據山四面圍合倭賊數千聚成堅 欠りの事人こう 一川 神裏般奏動 兵突入林莽僅求身免各兵躡踪不捨各持短刀穿入 製其後既而分突四面則四面皆然賊勢大沮棄甲曳 陣殊死衛出兵皆盛氣以待俟賊衛至則一當其鋒 陳遠妻子和推東下山衝擊哨官李嘉珍當先戰死我兵 追賊遂披靡大敗另賊一枝徑衛山上老管欲襲兵後 血戰移時不能前進本鎮手以退縮示東各兵悚懼奮 相持張元數獨馬當先部下官兵忍致有失一

傷宵遁 奪 隨據生擒通事李妙供稱倭賊先在王倉坪戰敗各扶 城内姦細十 四名從賊 在高深險絕首級未能盡取當時紀驗得生擒 各賊 死縱大焚燒或又胃死昼危被銃打死不下 獨選精壯真倭四千殿後本月十 里以緩城守約於十六日夜潛回城 計無所出轉入深叢自投高唯多被我兵 名斬獲真倭二百五十二級從賊 五名投賊獻城密記本城 三日 可明攻 有漳浦

保危 勇情以故大兵 但搏深山如 履熟路功亦足多哨官 嘉珍哨長屠子和鮑仲富隊長石元等十二名兵王龍 旗登城為號是日遇兵剃贼計不得行姦細內 王漢沈元各單身扮作鄉民深入賊壘陰何動静 五千大頭目下通事右目有白珠可認大頭目亦 外木栅未完從此襲入各人內應以白中白衣 一個绎決勝則張元勲之功居多愈世隆錢助禮 看得蔡丕嬪之戰既冒險而藏勍敢復伐課 名充

化陳紹衛斬倭賊九名顆各到道轉 斬獲倭級 兵擒獲生倭二名斬獲倭級共四顆詔安縣民快沈前 斬發首級 斬瘦倭級 縣帶傷投通西省地方十八日寅時過由雙港往廣 詔 少縣南部所各報殺敗残倭於十七日已時实過 十名俱血戰而死相應照例優恤及開千總倪府 颗百長張祖寧斬獲從賊 颗盤吃扇巡檢司官兵斬倭級 **颗漳浦縣鄉兵生擒真倭** 解 軍門紀縣記 一名從賊 颗鄉兵李時 颗 鄉

あいしょ とく

狼兵二萬前来 倭四百該鎮提兵 東地方去記十九日酉時又零倭 探得朝 更由九上落山徑投奔廣東去記官兵追至界上 ,奔廣東沿海地方尋船歸國及據同知譚維門 极掠 在已越潮州而南六十里及據民快陳攸仲 州花腰奉等山城家俞總兵招撫為兵只残 報稱各賊初欲過出廣東合彩先令南 湖州截殺各倭跋前產後風木皆兵連 萬圍困己久又蒙兩廣軍門調 野避屯大坡本府

看得蠢爾倭好節被勾引侵擾関地攻陷郡城彼醜雖經 ·馬飛自是可無東顧之患矣且令 悄睊之民目擊堂堂 即鼠竄狼奔僥倖無死者尚數千人而傷弓驚餌遠逝 破之漳浦先後斬獲實級至二千有奇焚溺毒死稱是 客兵久戍數僅相當乃能一破之仙遊再破之同安三 為平內逆實多漏網乃復沿襲故智結連萬倭大舉~ 呈報紀驗過功級共計五百三十六名類等因到臣臣 **冠幸而水陸多備停馘相仍及其擁衆攻城意在必下**

教定匹庫全書

炳然美切同舟憂深拯 陣姦元改慮良善安心拔本塞源端在於此目今境 軍紀察共路艱危威為功首但皆拘於明例非臣 仰仗皇上玄威有赫廟堂勝算萬全以故文武 時宣散效忠之臣如浙江巡撫右副都御史趙 用命遂使遊魂無所假息成功出於望外如此 賊地方以寧各部官兵學回信地專備春 照得都督同知戚繼光居官成而志氣愈屬 ,溺巡按福建監察御史李邦 同

数甚明誓眾而人心競魯運籌決勝動中機宜轉的給 欽定四庫全書 海而出畏塗兵不血少寇已夜已的不達期士皆宿飽 察使汪道昆抱經世之雄畧懷球時之隱憂佐軍而 年雖已三見湯平而此舉夏為萬代膽仰功當首論按 愁聞不啻仲淹之風烈南人不反庶幾諸葛之天威比 暇別謀解仙遊之因伐漳浦之謀全活何可數計西賊 乘戰勝而智應益精衝瘴癘之鄉胃風雪之會勞苦不 兵曾無匱乏巡視海道副使周賢宣持檄而趨信地蹈

人心功當次論者也把總陳豪朱九龍丁茂陳禄陳 惟幄而籌策無遗親矢石而紀縣有據外伸士氣內我 抱皷足當泉州府同知譚維恩庫州府同知鄧士元居 耿宗元受事而備當艱難臨敵而不解險阻豁鈴久習 雁行而赴敵勇可冠軍功當首論者也遊擊李超守備 既密于板之令亦多停鹹之功此二日者功當次論北 路守備王如龍引刀自裁不忘死級之義櫻鋒決戰遂 破竹之威把總張元熟杖馬雖以先人義不避死率

大い了! しにす

7

印度敏奏蘇

據監軍按察使汪道毘呈准戚總兵手本內開本鎮 助禮哨官王漢沈元何敢入屯奸謀軍得功當並論者 婁子和將伯凊暴以平驅兵接戰斬獲獨多俞世隆錢 應加優恤人員容臣通查明實另行題請 (除強鬼功當通論者也其餘前後水陸官兵功罪 把總方伯樓大有楊世胡仲膏縣易陳倉操此奇兵 勵人心疏 水陸官兵剿滅重大倭冠分别殿最請行賞罰以

ر ا

院詳定以福州右衛指揮使朱璣署烽火門把總泉州 題設各寨把總尚未奉有欽依勘劄赴任該蒙撫按雨 納級千户傅應嘉署小埕把總各領大小兵船四 北而南即今風汛已迫錢糧不敷所議五寨兵船 **火門小捏南日山三寨兵船增修新舊選將集兵比因** 水陸官兵防禦秋汛議縣倭奴乘汛入境必須順 齊造暴隨行鹽運司同知劉汝順先將近北 ,顧喬署南日山把總先領造完 風

劉漳泉防守南路陳其可統領標兵監劉連江翼襲 金匠口庫全書 平胡仲膏俞廷秀陳倉滕易楊世俞一和等兵二營駐 廷方其兵三管駐**智福清防守中路耿宗元統領暴以** 兵二營駐劄福寧州防守北路胡守仁統領陳應朝朱 兵六千四百名分為八營每營八百即以全科葉大 應樽卽浩費體恤羣情原議存留班兵九千名止留得 之於水又議得見在浙兵勞苦思歸問省糧餉祉之相 兵船十二隻各給軍火器械月糧督發各該信地以防

聰兵船犁沈绣鞋船一隻本總追至東北外洋犂沈大 城本鎮統督趙記陳良琮兵二營往來福清等處調度 船 三隻駕到臺山海洋烽火門把總朱璣督哨官千户陳 防之於陸比因漳泉內逆竊慕上年與化厚利勾引 奴萬衆大舉入寇小埕把總傅應嘉見得竿塘海 船南下之衝分定哨官張楠李騰蛟千户許瀚專 **艾渦倭賊二百餘徒勝斬倭級一** 枝在彼防截本年十月二十三日倭船 一颗人

欽定匹庫全書 本日倭船 倭 本年海洋朱璣督百户張威兵船追至外洋犁沈大小 捞取首級只生擒真倭一名二十四日倭船七隻駕到 船追至東碌外洋犂沈倭船 不行出擊分守道金制調督金科葉大正部兵截殺守 二十五日奔至本州東門外福寧衛掌印指揮張本等 (船三隻沈溺倭賊三百餘徒撈斬倭級一十二名颗 十餘隻駕到官漁海洋傅應嘉督哨官粘席珍兵 隻計賊百餘突從福寧州三沙地方登好 一隻焚溺不計遇晚不能

備羅 章督庫賊懼奔逐池嶼地方金科當前葉大正尾 日署把總顧喬督兵登峒協戰斬獲倭級二 方其等兵追至大石丘地方擒斬倭級八十四名類南 共斬獲倭級四十九 **火燒死盡絕本日大倭船 家各不出擊二十六日把總胡守仁統督朱廷** 把守嶺口鎮東衛千户商 **址地方附近鎮東衛掌印指揮劉師** 颗餘賊五十餘徒奔入民房官 隻約賊百名登犯長 類餘賊數

欽定四庫全書 衛掌印 督駕陳恐張威馬雲鵬兵船追至七 星海洋犁沈大小船 斬獲倭級 清縣鄉兵林桂廣林公成長樂縣兵陳孔相零斬倭級 銅山把總常江信地失於堵截以致登好附近鎮海 隻撈斬倭級一十三颗生擒真倭二十三名焚弱 四顆把總陳其可下千總親文舉等出哨為溪地方 又倭船 指揮局祥不行出擊被各鄉兵阻殺夜追廣東 隻突至漳浦縣青山巡檢司下南風灣住 颗本日倭船一十六隻在臺山海洋朱孫

由上 地方詔安縣知縣梁士楚會同原任守備王道成督 記陳良珠等兵與軍門發到名色把總楊文等標兵馳 至福清與胡守仁朱珏方其陳應朝部兵合營料賊必 七隻登好福清縣石丘澳又 追至競平古為寨共斬倭級七顆從賊五顆本日倭 1. 1. 但南奔二十 倭贼二千係南日署把總顧為信地本鎮即督趙 八日夜出兵埋伏漁溪次早贼果過 齊衝殺倭賊敗走自相践路 隻登犯萬安所連盤與 船

李腾蛟張楠等兵船追至白犬外洋適遇大縣倭船二 其可將伯清等標兵馳至福清與本鎮會議戰守本日 銀两前赴浙江催取上班官兵兼程赴閱及親統把總陳 差泉州府推官鍾崇文行都司都事何季春齊帶女家 數多浙兵分屯戍守見在出戰不遇五千多寡不敵隨 一三百餘隨潮漂出外海止斬前鋒倭賊首級九十 餘賊殊死奪路往南去記軍門看得南北飛報倭賊 船三隻在東碟外洋行使小捏把總傳應嘉督哨官

動定匹庫全書

吉了澳叉大倭船 哨官捕掣船埋伏調水兵為陸兵登山納喊前賊驚 户馬雲鵬信地該分守建寧道調度把總朱璣督令 倭三十五名撈斬倭級 十隻兵船併力攻打傘沈倭船八 寧州舊水澳倭賊 逐外洋去記又有倭船二隻亏鞋船二隻登犯 日署 為信地比因船少兵寡不能堵截 半護船一 十二隻登犯平海衛南哨澳俱係 十七颗又倭船三隻突至福 半登奸係千户劉棉 隻焚溺不計生擒真 興

斬獲倭級 **殿散遁滕易下哨兵於西店斬獲倭級一顆南安縣** 晉江圳上澳係浯與水寨把總鄧一 二十九類泉州衛指揮百希周帶民兵協戰斬級百類餘 百戶陳鎧各不出擊前賊流突南安縣學前地方都指 致登炉 耿宗元下副總縣易楊世等兵連夜追至斬獲倭 隻登犯惠安縣西港該縣典史張承吉督兵截殺 附近水寧衛指揮於昂劉維垣千户張克椿 颗奪回被房一十六名又倭船三隻突到 桂信地失於堵截

欽定匹庫全書

映與係千户崔應朝信地失於堵截以致登岸建寧道 兵會思逊曾體明安海堡鄉兵曾元晉江縣義總謝愛 喬督哨官陳伯秀張榕等兵船追至東山井門外洋 倭船六隻生擒真倭一 死不計又倭船三隻約賊四百餘徒突到福寧州 澳登好又倭船一 紀愈科葉大正部兵追至漁洋交鋒用銃打 類三十日有雙桅船六隻到平海後 十隻在星門海洋行使該把總顧 十七名榜斬倭級三十七颗

飲定四庫全書 為海巡檢司合夥屯住內坑地方俱係浯嶼寨把總鄧 化青山巡檢司石城後澳初二日倭船一隻登犯晉江 南屏十 數城路險兵疲不能以功只斬獲倭級一 仲膏奮勇當先共擒斬倭級七十五名餘賊奔逐本日 和等兵為前鋒俞廷秀陳倉兵為左右翼三路齊進俞 耿宗元將部兵分布哨道以副總縣思胡仲膏俞 附近福全千户張克椿百户陳趙不行出擊都指 月初 日倭船一十六隻約賊二千登犯典 颗餘贱奔

調度避泊內澳不能阻截賊人登好俱向南奔軍門 又倭船五隻約賊三百餘徒從竿塘安海澳突至連江 海邊奔往南屏與前間峽賊合夥通過福安寧德地方 崔應朝信地不能堵截以致登好問知漁洋有兵即由 發鎮撫葉應春千總揭宇授以守城方略帶 兵二百名 東岱澳因哨官張楠李騰蛟十户許瀚兵船不遵該寨 **度各贼結聚南路勢必觊觎城池初四日提兵南下** 百五十餘徒突至福寧州田澳係千户

好定匹库全書 議戰軍門調發守備胡守仁把總將伯清等前去近 夥止可正兵直持難用奇兵而我兵數少賊 小岞地方乘夜突到東關外本縣督鄉兵曾凌徵等 衛所各張兵或加謹防守初六日倭船 鉄山據險為壘與賊相持以牽其勢十一日連江縣東 獲倭級六顆餘贼乔向楓亭地方合夥真倭實有萬餘 分割四面環攻四門探知我兵在近賊營連絡並不分 人仙遊縣城協守及行泉州府惠安南安等縣與沿海 隻登犯惠安 倍未可

南日 **岱登听倭賊過至玻黎嶺敬往仙遊合熊本鎮預發把** 總朱珏陳良琮趙記等兵在彼接戰斬獲先鋒倭級 · 於定四車全書 -方其部兵於酒林地方截殺斬級一 賊十八名登岸欲入仙遊招夥救援守備胡守仁統領 日倭船 餘倭逐往通頭復出新浦軍門調發陳其可將伯清 山該監軍道督行把總顧喬千户張應龍哨官錢 一兵截殺斬獲倭級二百三十六颗盡絕記十七 一隻至南日山後烽澳擱淺打破十八日有倭 揮襄敏奏議 ナハ 八顆餘倭屯住

級 張宜長林布尹指揮丘鸡實各擒倭一名共計擒斬 十總 駕船至南日澳遇見前賊哨官許瀚督兵協剿斬獲倭 斬獲倭級三颗生擒真倭三名小埕把總傅應嘉奉調 級 明平海衛指揮丘鳥實水陸攻剿顧喬水兵共斬 四颗散過殘倭逃伏山谷陸續被倉官謝鐘於江口 三十四颗生擒真倭一 屈允舍人王世紫兵陳討鄉兵楊濂蘇樹各斬倭 顆 鄉兵陳烏二擒倭二名陳文明林宗達方貴華 十八名丘鳥實家丁丘童等

十五名颗福寧州原逐寧德倭贼突入古田地方守坑 集攻圍益急仙遊縣知縣陳大有典史陳賢白嶺巡檢 兵二千五百名分布泉州等處防賊南逐賊棄我兵未 将水兵選充陸兵募足三千名并調原任泰将侯熙募 名颗餘賊逃到仙遊合夥軍門又行小埕把總傅應嘉 權領機兵林應明等擒倭一名斬獲倭級一 百户具彪督鄉兵陳詩七等斬獲倭級一颗本鎮哨探 親兵沈賢同鄉兵王明等斬獲倭級二顆該縣典史李 類通計

文定四車全書 ~

净裹敏奏张

城内急缺火樂節發哨官高太平武生雞騰霄王如麒 打甚急各官併力拒守知縣家丁陳二與施大鈴及兵 **賊多選鋒擁至西北水關砍倒木栅控開土城用銃攻** 史陳賢各帶家丁及生員施大銓俱立垛口矢石並下 親兵鄭希等一百八十人陸續潛帶火樂火箭絕城 司巡檢殷恭晝夜登四誓與居民效死同守本鎮據報 即協戰守本鎮親率輕兵劄管石馬逼近賊巢四面 以緩賊勢初六日賊東攻城知縣陳大有督同典

欽定四庫全書 本鎮部兵吶喊放銃賊疑兵進遂即解圍十一 夫林志寬俱被銃打死垛下賊即監梯登垛兵夫具育 外洋犁沈倭船三隻溺死倭贼四百餘徒斬獲倭級 七隻在於隱舊海洋行使把總顧喬督兵船追至烏姑 城外遊兵李以仁放火焚毀竹牌木梯贼勢稍却又 劉君芳丘世修奮勇砍死數賊墜城劉君芳亦被殺 陳豪縣还陳永催督守備王如龍官兵到省尋該遊 颗十六日推官鐘崇文都事何季春同原押兵把 ***** 神襄故奏職 日倭

之贼傅應嘉取道西嶺以拊西贼之背機宜號令 應朝朱洪妻國華為中右路取賊南巢陳豪督陳禄陳 能統楊世潮丁茂朱九龍為中左路胡守仁統方其陳 司郭成下苗兵及軍門標兵一枝張疑鉄山以牽北巢 為大營正兵專備策應指揮召崇舟副總金文秀領都 伯清楊文為右翼取賊西巢金科督陳良琮葉大正 文澄童子明張元勲為左翼取賊 東巢遊擊陳其可蔣

擊將軍李超即赴兵營調度分布哨道剋期追剿以王如

欽定四庫全書 總兵但總論成功各哨不許争取首級恨事二十六日 寸 如龍率兵直衝南果倭賊結陣出迎我兵奮勇衝殺 於內層層布梯藏倭百數用輾輪推近城垛止離二尺 吕公車八座萬踰城垛大許三面用竹木綿氇遮蔽 項另架飛橋度越女墙城中士民危在項刻守備王 仁督兵齊追賊敗入果各官兵砍開木城圍燒果屋 明自新嶺發行辰時到仙遊城下倭賊正在攻城製 倭賊四百餘徒遵約不取首級聽其燒毀賊奔 印度战差别

出各 既衆慌懼併為 等夾攻喊都震天殺死倭賊 方 鳳來等擒倭四名斬獲倭級四颗賊級 陳湊舒兵攻破東巢王如龍乗勝直持李超將伯 巢被據男婦二千餘名口除焚燒倭賊不堪取 斬倭級五百颗本鎮隨賊追擊賊過同安縣坂尾 沿途被知縣陳大有督家丁斬獲倭級七 縣兴士楚南詔所百户張鳳雖督家丁梁錫舍 枝衛出我兵奮力死戰賊方敗通救 千有餘項刻三果俱焚 颗詔

等斬獲倭級有差共計擒斬倭級五十四名颗餘賊 陣已在池嶼則隊長具奎等三名在大石則隊長孫文 民安業前後通計水陸官兵斬殺倭賊除焚溺者三千 林益祥等共鵰剿五十一名類四境山谷搜捕殆盡居 該官兵多方搜捕干户孟松把總陳倉千總劉朝鄉 彩通住廣地方去記尚有殘倭散匿山谷本鎮仍今各 てこり ヨーニ 玉等十一名在上逕則哨長妻子成等二十七名在 有奇不計外見在擒斬賊級共二千一十七名顆通 輝展 反尽 美 圭 計

陣亡者厚加優恤以勸將来等因臣看得比年徵調浙 而後集兵必相當而後戰境內之事將不支矣伏荷皇 侵意在抗我積威逞彼故智假令拘於常調時必持 功者議請陸賞以勵士心有罪者查然完治以明軍 珍等二十七名標下百總何拱兵王川等五名煩將 金好四匹人 兵剿平海冠往往以衆取勝 已伸而島奴未知賊膽未落乃今引倭大舉擁衆內 則把總童子明等二十四名在蔡坡嶺則哨官李嘉 一戰成功冠靡习遗雖

奔威如破竹草木皆兵振若發蒙僵尸盆野非惟穢外 福建監察御史李邦珍誼切同舟共濟之義操切得宜 右都御史趙炳然共懷攘夷安夏之心拯援備至巡按 邦之魄抑亦寝内逆之謀盖自東南用兵以来軍威未 重圍以正為奇三戰而悉収全捷使其駢肩就發盡氣狂 以故事無掣肘人皆用命乃能用寡擊衆一呼而斬解 握算能糧發天府之儲部曲盡人官之選而浙江巡撫 上神威默運於九重神武光的於四表執政操衛本兵 | 7 |

文事而兼武備人望共推自經始以至成功心思既竭 相合軍旅素語駅東而動有成規決勝而算無遺策以 居然衣冠文物之故鄉海外憚其威稜久矣禮義詩書 **鱼密徹桑於陰雨之先預事而立射华於髙塘之上好謀** 成繼光精忠殉國妙略通神官成而志不渝戰勝而機 之宿將宜加上賞用答元功監軍按察使汪道毘才誠 而成俘馘何啻千羣勞苦豈云萬狀部中賴其保障 有岩此之震軍功未有若此之奇者也照得都督同

多烷四月 全書

烈任勞任事足食足兵鼓舞允怄乎下情發蹤先得乎 參政劉佃參議金湖海道副使周賢宣兵備众事李儒 火門把總朱珠當全省之襟喉地遠而勞績獨著南日 奇功名色 把總張元勲策馬前驅突重圍而 推勍敵烽 敢輕議其餘文武職官功罪等第相應勁別以備懲勸 以武職言之北路守備王如龍引刀自決鼓衆志以立 把總顧為值羣倭之輻輳兵少而斬發獨多功當首 《軍功併著民譽攸歸以上六員陞賞出自上裁未

踴躍先昼孫廷賢錢助禮俞世隆張買王漢探虎完而 龍丁茂楊大解仙遊之園其勇足尚標兵把總陳其可 擊將軍李超單騎而入行營即有統取名色把總朱 論者也南路守備耿宗元孤軍而保遐服冠無停留遊 欽定四库全書 者也中路守備胡守仁上徑之發伏稍失機宜大石之 侦候不與哨官髙太平冒死而入危城至於傷損鎮撫 将伯清殲新浦之寇其績尤竒方其胡仲膏秉蝥弧而 葉應春千總揭宇協力以拒强 幸而保全功當次論

推鋒尺占勇略小埕水寨把總傳應嘉竿塘編網之愆 易之辨言破敵則水易而陸難言取級則水難而陸易蓋 胡世何十之滕易均之能效一旅之勞収累戰之勝中 軍名色把總具京崔經王輔指揮盧門臣千户徐棠及 不無可議白大截流之殺亦有足多功當併論者也名 力佐為寇之功所當通論者也通計水陸之功當致難 江軍門千户胡奎賛畫生員金丈通均之盡驅馳之 ,總暴以平陳禄陳應朝楊世潮方伯樓大有副總

者也福寧衛指揮張本鎮東指揮劉師舒戴一哀永寧 寇之愆賊臨境而一報不聞寧免失機之罪所當重完 至於銅山水寨把總常江浯嶼水寨把總鄧一 既淪己其惡未播此當以難易論不當以多寡論者也 截海揚帆我不容問議舟馘首勢不可留以故賊滔舟 衛指揮分吊劉維垣福全所千户張克椿百戶陳鐘鎮 寒務而弁髦以舟師為家索將在軍而孤舟徑入難群級 沉百無 得且在陸則賊雖殲滅其傷必多在水則賊 桂則視

欽定四庫全書

朱珏禦賊於玻珠嶺憚於窮追其罪固不容解而其功 失漁洋之利名色把總趙記逐寇於上徑橋傷於銳進 當通完者也中軍把總金科葉大正始収池嶼之功奉 而不居陸梁之寇雖已誅夷而陳虞之罪亦當追論所 所當併完者也烽火門哨官崔應朝防禦不嚴致校夷 淌百人東手不能出擊相去不過一合櫻城岩問聞知 海衛指揮周祥叨券養之深恩任封疆之重寄登犯不 之深入小埕哨官張楠李騰蛟許瀚違令自便棄信地

文で了·人·百

雄真敏奏職

年資不同宜循資而大用者也福州府知府胡帛通才 有陳賢殷恭資格稍異宜破格而超遷劉汝順鍾崇文 才復優於專對不失師期已上五員功當首論內陳大 功累秦泉州府推官鍾崇文力不恤乎獨勞克勤王事 知劉汝順捐俸以濟公事苦節可貞竭力以佐戎機膚 檢殷恭居軍官而不畏強禦亦著全城之功鹽運司同 大有當新任而適值難危輕倡效死之義典史陳賢巡 亦不容掩所當免完者也以文職言之仙遊縣知縣陳

濟 春紀功則漳州府同知鄧士元莆田縣知縣莫天賦幹 當優論者也給鉤則與化府知府易道談泉州府知府 我倡勇敢而人人作氣福清縣縣逐陳永馳驅靡寧而才 周道光漳州府同知劉宗寅福州府通判任良翰侯官 こうえこ 有實用南平縣縣丞王繼祖出納惟允而人無閒言所 則 知縣任春元福清縣知縣督應元浦城縣知縣林萬 詔安縣知縣梁士楚行都司都事何季春都司司

應務居繁劇而事事有章泉州府同知譚維民壯志臨

當分別等第照例贈歷優恤者也其餘各部獲功人员 舉當而功罪自明赏罰行而懲勸斯得人心思奮而武 應照數冊陞赏通候紀功御史查明題請施行庶幾譴 等十五名隊長吳奎等五十三名兵王全王川等二十 官楊世傑李嘉珍生員施大銓百總何拱哨長妻子成 效勞所當併論者也陣已名色把總義烏縣吏童子明哨 微丁汝止萬安倉倉間獨均之協心而任事隨事而 名機兵劉君芳等三名要皆屢戰立功以身殉義所

金庆正正 全下

及色可車 Actio 1 賊攻陷與化府城又蒙理恩起臣原職領浙兵往福建 殺賊至四十一年九月問賊平具奏終制未幾又以倭 至本年十一月間代蒙聖恩起臣原職領浙兵往江西 殺賊尋換臣節銭時計臣父之丧甫及大祥烏鳥之私 嘉靖四十年三月十九日臣以參政丁父愛回籍守制 備盆修矣 海尾已寧比例陳情懇乞天恩俯客補制以廣聖 孝疏 弹裹做茶就

不至之人臣亦可籍是以仰答明命於萬分之一矣臣 公義私 恩兩無所憾顧疏發未幾而警報復至臣又差 臣而臣不敢不强起任事計事竣且得請耳乃白夏祖 水陸掩殺福建地方已幸平寧且善後皆有成議文武 秋山海之寇業已次第萬平臣因具疏陳乞補制庶幾 之中誠以福建之冦頗著得在故以金革之事責之於 缺然未盡而不敢以請者竊念皇上所以奪臣於缞绖 人追回捐軀事敵兹荷皇上玄威廣運二萬之寇被我

立人極開太平於萬萬世也伏念臣亦人子也遭臣父 籍治丧夫我朝令甲無為本生父母給假治丧之例而 今乃得以遂其情事者此又我皇上以孝治天下所以 奉欽依今後內外官員凡遇本生父母亡故許給假回 治天下所以立人極開太平於萬萬世也近該吏部題 窮之心雖加一 天官吏給由必計関而守制則不計閏者盖推人子無 日愈于己之意此我太祖高皇帝以孝

惟我朝成憲凡人子執親之丧皆不計閏二十七個月

朝乎臣用是踢蹙弗安故敢接例陳請伏望皇上惧 缺然未盡之情無所解於其心之私物下該部查照 哀訴於君父之前以求盡一日之私則在臣父猶無子 之比而身為人子又與為後者有問乃貪位嗜進 墨線之中夫起復墨線既已居位而食禄矣固非関 好成四月 全了三 而於臣心為無親臣復何面目立於皇上盡倫盡制 之丧雖己服除然臣居苦塊前後絕十四月耳餘皆在 閏之例放臣回籍補制制然之日赴湯蹈火惟陛

慄之至 巨惟决策於多事之秋則必有權宜之析而圖治於安 所命臣不敢爱此大馬之龜以仰負覆載生成之學仍 平之後又必有經常之規福建之事至五成癸亥愛已 以此比照為本生父母給假之例著為今甲永垂遵 如此則皇上議禮制度信乎建諸天地質諸鬼神考 太租而有光傳之萬萬世而為法矣臣不勝感戴戰 條陳善後末盡事宜以備遠略以圖治安疏

獻誠自知為九九之術然愚者 臣用是大懼行將出境不能解於其懷所以上酬性 聖武事固稍稍定矣而臣义以補制得代若不圖為經 外诣為 常之規以為久安長治之計則名將不可以多得客兵 委寄之重下答閱人仰望之殷蓋有六事馬敢條列 不可以常恃内帑不可以時出而覆轍相尋後将何 切權宜之計以舒目前之急今則仰籍皇上 得不勝片曝之私伏

極矣故臣於上年所以經畫而指置者自五寨三路之

銀戶四庫今,

乞勅下該部再加看詳如果獨義可采略見施行則地 - 甚臣愚幸甚 曰議將 世之英無以尚矣如遊擊如三路五寨既多得 議矣但臣之先題止詳於海寇而未及處閱廣之 寇審於客兵而未遑隸本省之兵今則欲兼而舉 夫今日閩中大将有如總兵成繼光者亦可謂名 即有一二未稱入取諸軍中而具足則固無容多

銀戶匹店在書 戚繼光将都行二司見任堂上官從公考察具奏 去留即許於軍中查舉才勇素著資望相應者聽 紛然起矣臣有說馬福建有都行二司倘員六人 以成疾而精力屡以告疲於是增設户將之議紛 之始知其有所未盡譬之學然後知其不足也且 之計謂宜勒下該部轉行撫按衙門會同總兵官 果盡堪軍旅之寄則此六人者固皆大将也為今 八関之機務總奉於戚繼光之一身此憂勞所

日議兵 事得其理而成務可振矣伏乞聖裁 把總傅應嘉當之如此則官不公備而分任有人 其未練也臣嘗練之而又病於未專也夫未練與 為運也福建之兵所以不足用者為其積弱也為 臣常聞之見兔而顧犬未為晚也忘年而補牢未 銓註訓練主兵都司二員務得人如守備胡守仁 部照缺推補載之鎮巡照書随宜委用於內仍

督否而賞罰之兵有弗堪則奪其食另於邊海取 體自額設工食之外仍聽巡撫衙門以軍鉤増給 肚之半與各巡司亏兵之應故事者查照客兵事 不可能然而非策矣為今之計宜取各縣團操 牡 健 充補數 有弗及即動支軍的募而足之每營 月足口糧一 練而未專則均謂之無兵也亦宜是客兵之調終 二百人聽練兵都司分統訓練即因以課都司之 兩盡集之省會分為二營務足三千

銀戶四戶 全

增之而漸減客兵之半至於盡罷客兵而止但軍 聖務使總兵之令得行於都司都司之令得行 節制之師為安攘之助須撫按諸臣與練兵都司 被之事法尚威嚴而訓練之初易生務怨必欲成 而藝精一 必以三千二百人為成数教之三月而成列六月 身任其節真能 把總把總之令得行於哨官哨官之令得行於 一年則屢小武之而有勇知方乃又擴而 國非之而不顧衆人議之而愈

欽定匹庫全書 長隊長之令得行於部卒自上而下體統森然自 求三年之艾苟為不蓄終身不得臣請自今蓄之 然如是而練兵不精臣未信也若安常習故憂護 必兵皆畏將權不下移如臣與成繼光在浙東時 畏煞徒擁兵權僅同兒戲如是而練兵有成臣亦 也伏乞聖裁 **耒信也此在今日為閩中第一急務如罕年之焉** 下而上略無阻撓凡在武場之中得以軍法從事

曰議食 定思情叵測備未可以少弛兵不能以不練若不 先為足食之謀則臨渴掘井嗟又何及臣當反 其源尤起於無食與化之變全関且騷然動矣自 非仰仗皇上大破常格屡發內部極力極援則閩 福建之患所以一甚至此者其弊固始於無兵而 圖事於既去則所費不貲而未必能濟今閱事前 之為閩木可知也夫赦患於將然則事半而功倍 単一 と、、

金牙匹工 令言 則離散矣豈惟離散又聚而為盗賊而賦稅亦無 安土地果己盡闢賦稅果有所輸則仍行盡數起 也皆出之於土地人民也今土地則荒蕪矣人民 有沒然不能自靖者然臣又獨思馬此賦也此稅 計之福建賦稅未入於朝廷其為數亦夥矣夫以 禍患定以五年為率禍患果己盡平人民果以盡 所于供如此則曷若且以福建之賦稅平福建之 惟正之供則如彼仰給之意又如此臣子之心真

海之區財源素狹以通省計之不及江浙一大郡 於原題歲計三十二萬猶久一十六萬有奇尚不 萬鹽釣另派扣出料銀之二萬八千如此而已其 等縣蠲免外僅可得銀一 令即請留秋折屯折鹽折每歲除與化一府寧德 其不足之數雖偏加搜括亦惟糧剩銀之三 十萬兩不逮額的三中

解如此則公私具利而上下並受其福不然是寸

有所各而尺有所遗臣不知其可也且福建為山

儲 幾用其一而 緩其二財 用有所出而民生亦不苦矣 謂宜且 緩其舊次而嚴其新徵賣之年完一年度 地被患極甚拖欠極多加以有司催科無法項項 而惟正之供亦同歸於逋負而已矣再照全関シ 數益寡即定以五年之期與臣今年有真探力索 免別有陳乞若又謂秋糧折銀决不可留則其為 取盈事未及齊而民己先病且去 而為盗矣臣愚 以預待亦幾足二年之用將来事勢益不可支

毅定は庫全書

四 臣惟生民之休戚係於守令賢否而令於民親其 居三四今則一省纜得五人耳餘旨來自舉監 職為尤重福建列縣屬在山海之間素號簡解然 伏乞聖裁 縱橫鼠稱難治在昔縣令雖未盡為甲科而尚十 而山川險阻地方綿廣加以近年風俗薄惡豪 曰議有司 且强半為江廣之產此 经曹就近用人

銀定四庫全書 **怨任事能與斯民痛癢相關者則求什百於千萬** 清白自守圖惟安静茍免謗訓如是而已至於任 外然而委靡弗振以資格而自廢者則十當六十 俗民情相習固美意良法但江廣雖稱多才豈必 而絕無其人此賦役不均刑罰不中民生日病盗 馬即有所謂卓異英賢超出風塵之外者亦僅以 又所處非善地重以時艱起惟無遠志且無固心 人人皆善舉監教職固有卓異英賢超出風塵之

臣甚憂之謂當此大計羣吏之時亟為更置而補 日寬海禁 則百寮思奮而地方有攸赖矣伏乞聖裁 隐而弗彰而又博選於四方不專取於江廣如此 量資格在進士則挽之惟恐不及於舉監之賢則 被官自是嚴加甄別但係賢能一 以拜甲之英與棟選人才之俊仍乞天語丁寧撫 日滋道負日或法紀日類理有固然勢将何極 體舉為不許較

欽定四庫全書 ■ 臣惟中外之分界限不可不嚴而負利之津人情實 留一箇若還都塞了好處俱穿破意正如此今豈 私通不得即攘奪隨之昔人謂樂源如鼠穴也須 不可壅宋臣蘇軾謂宜以不治治之臣當受其說 可以為國禁之愈嚴則其值愈厚而趙之者愈東 千里者不知凡幾也無中國緩錦絲泉之物則不 凡幾也大抵非為生於海则不得食海上之國方 以為得馭戎狄之至要況閱人濱海而居者不知其

聽於附近海洋從便生理之意推廣而行但有勾 穀與在廣東轉版椒木漳州餐賣白糖之類悉宜 嚴禁日本不許私通外其他如採捕魚鮮貿易米 出如之何不相率而勾引為益也為今之計正宜 白糖皆 惟外洋即本處魚鰕之利與廣東販米之商漳 引事發乃行連坐重治如此雖未必盡無法外 如臣近日將各府單桅船隻定為號色編立係 切禁罷則有無何所於通衣食何所

欽定匹庫全書 難執一 消矣伏乞聖裁 數之多寫使為賊者半為商者半或為商者十之 就近酌處便宜行事惟取其有裨於成奠不必淆 亦易不愈於相率而共為盗乎第其事多變通法 七為賊者十之三則彼之分數既成而我之致力 遗姦但天下之事 豈有皆利而無害惟當權其分 **亂於人言則小人之衣食有寄而地方之禍患自**)如蒙勒下該部再加看詳轉行福建撫臣

盖自告而然矣其故盖起於山川險阻地理鄉 福建山民住住庸聚為盗至父子相繼莫之誰何 年而不復叛者且每一 十萬載在故牒歷歷可數至如汀州之溪南漳 縣寫遠政令莫及即大加征剿率無過四五十 和睦集賢二里與寧德之東洋則其甚者盖皆 府各縣之交有如三窟可以截避必欲為 用兵小费則數萬大則數

六日增設縣治

钦定四库全書 費則當幾倍於此也或人謂糧額太狹即臣請無 賢則宜縣於東西坑巡檢司在東洋則宜就本處 华如先任南赣巡撫都御史陸稳所題在和睦集 再 論起運但殼存留則亦不病于狹如蒙動下該部 為縣治先年僉事舒春芳已常為之堡矣且民情 安長治之計愈謂設縣是便為溪南則宜縣於河 亦所樂趨而久議未定緣惜小费而不念用兵之 加詳看如河埠則處置己備即請欽賜縣名開

割 東西坑東洋二處須再行撫按将各地方備細分 設衙宇建立城池學宫選官從事似無他疑至如 刃盗息民安而陛下永無南顧之處矣臣不勝懇 切祈望之至伏乞聖裁 切事體處置周詳具奏施行如此則兵不血

. . .